

Les Minutes juridiques autochtones

L'AGRESSION SEXUELLE ET LE CHEMINEMENT DE LA PLAINTÉ (mohawk)

Aontaiesarihwá:rekse Naesatsté:rihste', Tánon Tsi Naié:iere Naierihwínion'te.

Skátne tehonaterihwáhsón:tere ne Educaloi tánon ne Quebec Konnonkwehón:we Aotitióhkwa. Ne ki rotiiérá:ton nakonwati'nikonhraientáhten ne konnonkwehón:we tsi ká:ien nakontiiianerenhseratáhkó ne aontakonwatíhnhe.

Karihtón:ke ia'erihwínion'te ne Helen, ne tsi ónhka'k tahshakorihwá:rekse tsi wahshakotsté:rihste. É:so wa'eri'wanontónnion tsi naié:iere ohén:ton' ne shia'erihwínion'te'. Onátshi Anna wa'tkenihthá:ren. Wa'kén:ron ne Anna Tehari'wakehnhahskó:wa Simone tesenihthá:ren.

Simone : Kwe Helen, ion'wé:sen ki wa'titiatátken ! Sátshi Anna wa'onkhró:ri tsi sarihwinión:ton tsi ónhka'k tahiariwá:rekse tsi wahiatsté:rihste...

Helen : Hen tó:ske', iáh ki só:tsi tewakon'wéskwani ne akthá:rahkwe'...

Simone : Wakaterién:tare, ok iáh ni' tha'takonia'tó:rehte' ! Wa'onkhró:ri ne Anna tsi íhshere aesató:kenhjsé oh neniá:wén'ne nó:nen enkarihwinión:ton ?

Helen : Oh hen !

Simone : Nó:nen enhserihwínion'te, Karihton enhatiri'wíhsake. Nó:nen akwé:kon enhatirihwatshén:ri, Rarihwènhta'kó:wa tsi thahiatónhkhwa ienhonténniehte. Sok enthaka'enión:ko ne karihwinión:ton, toká' ro'nhihtsherowá:nen, enhonwa'nhihtsheron ki' ne iatsteríhston.

Helen : (taionríserenhte') Kwah í:ken io'nikonhkária't. Enwá:ton' kenh taontakatihéntho ne wakerihwinión:ton ?

Simone : Helen, Public Minister ó:nen ráhawe ne sarihwinión:ton ! Ráonha khok enwá:ton ne ia'tahorihwaièn:ta'se toká' kenh iáh tha'ontóhetste'.

Helen : To nikarí:wes ohén:ton ne Rarihwènhta raohén:ton enhatóhetste ne rakwatsteríhston ?

- Simone : lách thaón:ton ne kwah akonhró:ri to nikarí:wes, kwah se' ken' nikarí:wes ohén:ton ne tsi iontatiatorehtákhkwa nién:we. Sewatié:ren's tenskaténion tsi nikahá:wi, ne karí:wes ne 'eh ní:io !
- Helen : Wentá:'on kenh tsi enkatá:ti tsi iontatiatorehtahkwá:ke ?
- Simone : Toká' ne iatsteríston enhén:ron iáh thetehohnhí:kon nó:nen tenhonwaia'tó:rehte, wentá:'on kí' tsi enhsatá:ti, ne í:se satkarewáhton !
- Helen : Ah-h... Wakaterién:tare tsi rohné:katahkwe ne rakwatsteríhston ne'eh shahatié:ra'se. Ne kenh enhoia'takéhnha tsi iá:we rohné:katahkwe ?
- Simone : láhten, iáh thé:non thahoia'takéhnha tsi ní:kon ahohnekí:renke tsi thahianónhton'se tsi wahiatsté:rihste'. Ne kén:tons tsi iáh tha'ón:ton nahonwáhtka'we nek nahén:ron rohné:katahkwe' tánon iáh thé:non tesré:iahre' !
- Helen : lách akwáh tekerihwaiénté:ri tsi nonkwá ne kaianerénhsera, ne ki entewatié:renhte ne'eh ní:ioht tsi tenkatóhetste'... ostón:ha ketshá:nis...
- Simone : Toká' tesatonhontsó:ni ne ónhka'k taontaiesatswanón:na, CALACS ia'sheiatewennáta'ahs, kwah thiká:te rotitióhkwaïen ne konnón:kwe aotirihwá:ke ne konwanatsteríhston. Eniesatahónhsatate, nia'té:kun eniesahronká:ten tánon eniesarísko'te' tsi nikarí:wes ki tenhsatóhetste'.
- Helen : Niá:wen, iáh tewakaterién:tarahkwe tsi kentiohkwaïén:tahkwe ne'eh nientiohkó:ten, enióhrhen'ne ienkheiatewennáta'ahse'... Niá:wen tsi tahserihwa'será:ko tsi nahó:ten wa'konri'wanón:tonhse !
- Simone : Akwatshennónnia tsi wa'konrí:wawa'se', toká' ísi' nón:we tesatonhontsó:ni naesató:kenhse', tontakatewennáta'ahs !

Toká' sarihwinión:ton tsi ónhka'k tahariwá:rekse tsi wahiatsté:rihste' tánon kahshnienónhtshera tesatonhontsó:ni, kwah óksa'k CALACS tsi thatihatiónhkhwa niahá:se. Ne Quebec nón:we, 23 ní:kun kentiohkwaïén:ton ne CALACS.

Ministère de la Justice du Quebec tanon Solicitor general Canada thontká:wa's ne ohwísta ne Native Legal Info raná:wen.